



04. februar 2010

UPA 2010/ 61

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiupparput:

**Tasiilami Tunumiunut tamanut atorneqartussamik Qaqiffimmik pilersitsisoqarnissaanik Naalakkersuisut suliniuteqaqqullugit Inatsisartut aalajangiiffigisassaattut siunnersuut.**  
(Inatsisartunut ilaasortaqa Aleqa Hammond, Siumut)

**Tunnqavilersuut:**

Nuummi Qaqiffik augustip 10-ani 1995-miilli pilersinneqarneranit maannamut innuttaasut amerlasuut imigassamik ikiaroonartumillu atonerluisuusimanermittit ikiorserneqarlutik ullumikkut atonerluisuunngitsut inuiaqatigiinni inooqatigaavut. Qaqiffiup siullermik pilersinneqarneranit ukiut pingasut qaangiutiinnartut Ilulissani allamik Qaqiffimmik pilersitsinikkut Avannaani aamma katsorsarneqarsinnaanermut periarfissiivoq. Qujanartumik aamma taamaassaaq.

Nunatsinni imigassap ikiaroonartullu atonerlunneqarnerani akiuiniarnermi tamatta suleqatigiissaagut.

Ungasinngitsukkut inatsisartutut paasisassarsiorlunga angalaninni Tasiilami arlaleriarlunga oqarfigneqarpunga Tunumiunut tulluurtumik imigassamik ikiaroonartumillu atonerluisunngorsimasunut Qaqiffimmik pilersitsisoqarsinnaaneranut tunngasumik.

Kissaatigineqarpoq Kitaaliaqqaanngikkaluarluni namminerisamik Qaqiffeqalernissaq, makku tunngavilersuutigalugit:

- a) Illoqarfitta iluani namminerisamik orniinnarsinnaalerneratigut imigassamik ikiaroonartumillu katsorsartinnissamut aaliangernissamut qaninnerulersinnaammat.
- b) Katsorsartereersimanerup kingunerisaatigut piffissami sanngiilliulernermi illumut iserfigeriaannakkamat ikiortissarsiorsinnaaneq oqaloqatiginnissinnaanerlugu pisariaqartinneqarmat.
- c) Illoqarfitsik qimanngikkaluarlugu katsorsarneqarsinnaanerup amerlanerusut ikiorserneqarsinnaanermik ujartuinissaat pillugu.
- d) Ilaqutariittut katsorsartinnissat annertuumik kissaatigineqarmat.

Namminersorlutik Oqartussat Qaqiffiit ingerlatsinerannut aningaasaleeqataasartutut isumaqarpunga inuiaqatigiinni atonerluinerit annerusumik akiorniartulugit suleqataaniarunik piffinni amerlanerusuni Qaqiffinnik pilersitsisariaqartut taamaasiornikkummi isumaqarama inuiaqatigiinni ikiorneqarfigisinnaasat qaninnerusut, ornigutilerforfusut tulluarsarfusut pisariaqartikkivut.

Angajoqqaat amerlasuut imigassamik ikiaroonartumillu atonerluisuut periarfissinneqassapput ilaqutariittut katsorsarneqarsinnaaneq aammalu nunagisartik Tunu qimanngikkaluarlugu katsorsarneqarsinnaalernissaq inuiaqatigiittut alloriarnertut angisuutut isigigakku.

Neriullunga Inatsisartoqatikka Tunumi Tasiilami Qaqiffimmik pilersitsinikkut ilaqutariippassuarnut pitsaasumik aqutissiuusseqataajumaartusi.